

痘疹傳心錄卷之七

西吳朱惠明

著

起脹口訣

三四日已來痘出須齊點至足心勢方安宜有隱隱
皮膚不見不起若非風寒壅遏必是氣虛陷裏故毒
已盡出安靜爲貴能食爲強安靜則毒邪外解能食
則胃氣純良痘齊起脹氣尊血分身表溫涼涼則氣
血和平痘色必然潤澤溫則腠理疏通其毒易於成
漿故至此而身宜微熱若然冰伏痘瘡勿長五六日
來血泡已成候當肥綻而粗頂宜發光而瑩故根紅

而頂白者已具行漿之勢若過頭而色赤者則毒妄
參陽位雖起而空殼虛名內含清水皮薄而光亮如
燈頂興而根脚不紅者氣血虛而不勝其毒此候難
望功成毒壅而不起者爲陷伏候氣弱而不振者爲
乾灰形或有肉雖腫硬而痘反不起者漿則滯而不
行面已虛浮而痘反退伏者毒則遏而不伸故身不
熱而痘不起已成冰硬之形赤色若還不變溫之可
起氣血弱而不振補之可生紫色乾枯切忌溫中帶
補只宜活血鬆肌毒因壅滯疏解更爲活法透肌還
是良醫瘡瀉惟以溫補泄其佐以升提此是先賢之

秘訣以爲後學之良規

一痘瘡出齊後計時當起脹必其先出先起脹後出後起脹根窠紅活頂峻肥白脚歛圓淨堅實礙指此氣尊於中血附於外順也若灰滯黑陷形匾色枯皮薄脚軟斜視若無根血不附此毒參陽位逆也若形雖平而血附色雖滯而有神形色逆而內症平和此險之可治也虛宜補益實宜清解斯無失矣

一華佗曰氣尊血分者生毒參陽位者死

氣尊血分之候痘鼎

峻而白根紅而不散譬

毒參陽位之候陽位者氣

如一顆珍珠在胭脂上

位也痘起脹頂色乾紫灰

滯根血散漫地界不分

亦有正氣足而毒盛者痘

譬如蛛血猪肝色也

起脹而頂色紫滯根血紅

澤而歟乃險症也
宜涼血解毒爲主

可謂達真元之本履生死之門執

施治之鑰者也蓋痘者二氣之毒起于血而統于氣
氣足以領血則氣升而血附君令臣從此順道也故
曰氣尊血分者生也○氣失其政則毒火亢盛妄行
游布毒叅氣位氣位卽痘粒之上也乃臣奸君象此逆道也故
曰毒叅陽位者死也此本之魏氏論氣血盈虧交會
圖說所以濟華佗之不及可爲不朽名言矣
一痘起脹時頂平脚塌根窠散而不附頭面皮肉紅
腫如瓜狀者頭面浮腫如錫餅形者皆爲不治若未
發而先腫及已發而皮肉平穩者亦皆不治

一或問痘起脹有目閉者有目不閉者何也曰痘稀
毒輕者目自不閉痘密毒盛者目自應閉若當閉而
不閉者氣虛也宜補中益氣湯治之閉則吉否則凶
當不閉而閉者毒盛也宜清解散治之然目閉之症
必待收疔而漸開者吉也痘未蒼老或漿行未滿而
漸生痒塌腫消目開者凶也愚按腫消目開之症補
托而復得腫灌目閉爲吉

一痘起脹時而吐衄者何曰乃熱毒拂鬱于胃因
不能食其重爲熱所逼但聞食氣卽上湧吐出治以
安重湯亦有不治者

附治驗

一兒痘出勻朗光澤惟清飲不食聞氣卽吐玆重漿

半足眼扎不止

肝木乘脾也

腫消目開倒靨而逝

一兒痘紫色而不起脹余視謂毒盛壅遏以紫草紅
花蟬蛻煎湯調獨聖散服之又以犀角地黃湯治之
紅潤起脹而愈

一痘起脹而其中有先起虛大色如黃金者名曰賊
痘宜剔破以天水散敷之涼血解毒散加人中黃服
之大而黑者名曰痘疔急用銀針挑破口含冷水吮
去惡血將四聖散點入痘內服解毒湯救焚散治之

若疔少而根窠紅活者可治疔多根血不活腰背胸
前多者不治也

一兒痘五日紅紫而不光澤余謂氣弱而毒滯不化
先以神攻散發起又保元湯治之愈

一兒痘六七日不能肥脹寒戰咬牙腹脹氣急余以
奇攻散服之痘卽光壯諸症悉平又補中益氣湯治
之愈

一痘分珠起脹綻凸但根血少神余謂血虧氣弱以
十全大補湯治之愈

一痘起脹乾紅焦紫煩渴便結根窠堅實余以人蔘

解毒湯治之而愈

一痘六日而不起脹灰白平塌泄瀉昏睡余以四牙散發起以木香散敷劑而愈

一痘六日起脹形色俱順不食引飲余謂胃主納受不食者胃弱也以調脾內托散治之而愈有毒壅脾胃而亦不能食不可不知也

一痘六七日不易起脹反加痰喘嗽甚飲食入口卽嗽而吐出余謂毒氣壅塞肺胃以清解散治之而愈一痘六日不易肥綻頂陷不起余謂正氣有虧不能逐邪盡外出以攻毒湯獨聖散又大保元湯治之愈

一痘雖起脹紫色焦枯妄言譫語余謂血熱亢盛以退火回生丹又無比散治之

一痘雖順而利下黃赤膿血壯熱煩渴余謂毒入大腸以三黃丸解利其毒又補中益氣湯治之而愈

一季夏一兒患痘六朝起脹而利下膿血壯熱煩渴余謂暑熱不解而兼毒入大腸先以十味香薷飲清其暑次以補中益氣湯調理愈又一兒仲夏發痘其症類前但初勿藥而暑毒不解利行無度漸倒陷二七而逝故經曰險者治之吉不治凶蓋可見矣

一兒痘七朝四肢厥冷減食召余視詢謂血熱而服

冷藥太過以致肌表冰伏不易成漿以保元湯加丁香官桂炮姜治之愈。又一兒痘症如前余以附子理中湯治之而愈

一兒痘勾朗不易肥大而色淡白煩躁不寧余視謂頭瘡肥盛耗洩真氣故有前症以綿紙柔軟用白芨膏糊貼患處又保元湯助之痘豁然光壯而愈

一兒痘出勾朗紅澤但日夜啼哭不止余謂肺主哭尤肝木勝而反侮之又曰木勝則火熾而刑金以瀉青丸料合導赤散加黃連治之愈

一兒痘六朝而未起脹煩渴便閉咸以保元湯助之

而愈煩渴余謂曰毒未盡外解而溫補則毒蘊畜而不能化漿以清解之劑而肥脹又保元湯治之愈

一兒痘六朝稠密形色平塌黑滯有言雲掩天庭不治有擬鎖項鎖胸鎖背不治召余視曰形色固逆而四肢紅活綻凸唇舌紅潤審其起止安寧飲食如常二便清調雖毒盛氣血不足幸脾胃強健譬樹之枝葉雖枯而根本猶活宜以補養氣血而兼固脾胃之劑可保無虞卽以補中益氣湯加紫草蟬蛻牛旁等藥其逆痘俱半漿破漏結疔癰數處愈

一兒痘七朝勻朗粗凸亢熱便秘狂煩余視兒舌胎

黑有芒刺痘空處隱見黑點初感疫癘而發失于解散故有是症詢之果然當用大承氣湯利之使熱毒得洩次理氣血可也渠恐下耗其元不從而逝。又一兒患痘半出視之爲疫癘所感與前症彷彿投以十神解毒湯解散其邪次以升發其痘豁然生長而愈以二症參攷之益信毒邪之貴解散也

一痘起脹喘急渴瀉余視痘雖稀朗色嫩少神皆由泄瀉以致元氣下陷此乃氣虛發喘也以補中益氣湯加肉果主之愈

一兒痘六日而不肥綻勻朗乾紅煩躁無寧子曰毒

壅而氣血不宣通故也宜升發而兼清解或曰痘必
藉氣血乃發而解不肥綻氣不足也色不潤血不榮
也煩渴者津液竭也宜補中益氣爲主解散則耗其
元不可卽用保元湯一劑兒反煩劇悶亂色見焦紫
復叩予曰兒痘比前增重試如先生升發兼清解可
乎予往乃以枳殼湯先解其悞服侵著之滯次以犀
角地黃湯加蟬蛻牛旁紫草等二劑頓清其壅滯之
熱七朝前症悉平方以保元湯調理而愈信乎毒未
盡外解而遽行溫補黨邪之害可畏也

一富貴家兒痘症易出而不易肥大馴至自汗微渴

平場灰白皆險惡症也召余視之詢知爲過服疏散之劑因致表虛故有此症古人曰治痘當審兒家貧富何如不可概投疏散等藥蓋緣貧賤家兒愛護不周風日暴露拖泥就濕滋味淡泊表裏堅固施以疏散猶之可也尙當中病卽止不可太過若富貴家兒煖衣厚味少見風日手抱不着地氣臟腑嬌脆腠理不密一或疏散則虛者愈虛前症悉見勢所必至經曰疏表則易實表則難治以固元實表之劑保元湯倍加黃耆連進數劑而痊否則變爲痒塌泄瀉危亡可待乃曰天之所命非人所爲吾不信也

一兒患痘雖稠而根窠堅凸正起脹時忽爾泄瀉一
醫擬曰痘最忌瀉耗其元神執用荳蔻丸澁之余適
至視其色赤詢其初發登園便結已六日矣血熱毒
壅正宜瀉其火毒治宜清解爲上苦澁之劑非也若
毒火壅滯後必損目發癰者有矣主人曰瀉則耗其
元不從卽以豆蔻丸又保元湯加肉果官桂等治之
痘雖結痂而目腫赤四肢發癰身熱不已主人悔之
復來謁余求治曰毒滯諸經病根固矣復以清涼解
毒等進命雖獲全竟害一目一肢苦澁之害詎不信
歟。又一兒患痘類前余謂熱瀉以犀角地黃湯加

木通桔梗川芎投之二劑色紅潤瀉止余再視曰內
外症平不須過服藥矣

一兒五歲患痘五朝勻朗綻凸醫咸曰頗召余視曰
痘雖順但嫌嬌紅嫩焰者乃脾胃氣弱也主漿滿而
不能蒼老猶防泄瀉瘙痒倒靨之變治宜以黃土水
煎保元湯送下參苓白朮散得脾土固而無下陷之
患可保無虞主人日期正發漿之始何苓朮燥濕而
滲泄耶不從治以保元湯至八朝溏泄四五次漿滿
而縮倒靨煩躁二六而逝余每驗數兒犯此候十二
十四日而卒○又一兒痘症類前余以前方治之九

朝漿清而脈結如麤幸能食便調發毒愈

一兒患痘五朝嬌紅嫩爛咸曰是痘不能蒼老結疔
召余視痘之形色果矣觀其肌色白嫩經曰肌白嫩
則皮薄嬌紅可保無虞以保元湯加官桂白朮調理
而愈

一兒六歲患痘六朝召余視余曰正面勻朗綻凸少
神身肢匾塌色黯其故因四肢肥瘡腫潰泄其真氣
故也此症主漿雖滿恐不能蒼老結疔當以保元固
脾之劑人參黃芪甘草陳皮防風白朮官桂芍藥川
芎治之若元氣實脾土固方可議其生主人以爲然